

第三冊第四課看卡通學閩南語  
——激頭殼劇本〈豆仔去拍球〉

口白：拜六下晡豆仔咧睏。

阿母：你欲揣豆仔喔，請你小等一下。豆仔，你的電話喔。

豆仔：喂。

阿母：哎唷，這是枕頭，毋是電話啦。

豆仔：喂，阿牛喔。歹勢歹勢，我睏過頭矣，我隨到。

阿母：你欲去拍球喔？

豆仔：著啦，我遲到矣。我欲出門矣！

阿母：這個囡仔，早時叫袂起來，叫伊去拍球就隨跣起來。

(豆仔來到球場)

豆仔：我來矣。

口白：豆仔規身軀臭汗酸味，轉來到厝就隨坐佇膨椅頂，看電視、吹電風。

豆仔：有夠忝的啦。

丸仔：阿母，阿兄的身軀足臭的。

阿母：豆仔，共電視佻電風關起來，緊去洗身軀啦。

豆仔：是，遵命。

口白：這個時陣，阿爸嘛對灶跤行出來，手內捧一盤切好的果子，園佇客廳的桌仔頂。

阿爸：來，食果子。

丸仔：好。

豆仔：是按怎我袂使食？

阿爸：你規身軀臭吒吒，先去洗身軀才來食。

丸仔：你緊去啦。

豆仔：好啦，好啦。

阿母：猶毋緊去洗身軀。

豆仔：好啦，好啦。

阿母：啊！

阿爸：這聲你無洗嘛袂當矣。